

南昌縣志

上
冊

南昌县志

江苏工业学院图书馆
藏书章

重印南昌縣志序

邑之有志猶國之有史治邑者所不可无也豫章古之名郡南昌其首邑治尤繁劇非志奚考焉邑之有志自清乾隆迄同治凡五修其前无傳者最近則潛園魏先生所修集五志之成定体要撰文辭于一手起汉渡江之年終清遜位之日前事备矣刊后板存学宮燬于兵燹（震）忝長斯邑惧文献之失墜思續刊而弗易謀之邑人士別謀翻印以广其傳竊惟國体變更古志所重在于紀录今志所重在于政治似旧志不适于新令但欲創修新志而制度多未确定莫能据以成書千百年之文獻复為邑人士之所尊仰而不甘听其淹沒且先生之于是志尤先政治而后文采故詩文別录而致詳于方域河渠賦役至氏族一志备具都图使与方域互參今制画戶籍于区保不進求之方域未遂得如瞭掌也人物之志直用史体述語多关治道政要每卷首小序皆于利害得失深切著明言之不仅為典章之引虽不及今之建設亦如前史之足規用于后世也爰序而弁諸端吉水曾震

重印南昌縣志序

志所以記事縣志所以备忘一縣事但亦僅記其文獻也凡邑之大聖大賢大奸大惡文物典籍奇災禍變蓋無不足記者嗚呼善惡載諸志端傳之無窮可不懼哉乙亥春余長南昌南昌古郡固當有志叩旧令曾公方知邑人潛園魏先生最近所修志版燬于燹旧令不忍坐視本邑之大聖大賢文物典籍奇災禍變久而湮沒無聞與夫大奸大惡之倖得失傳也故謀諸邑众得銀六千元重印九千部徵序于余余甫下車深虞有負職責將來再版之南昌縣志安知其為余何可不懼哉是為序

江蘇鹽城李万里

重印南昌县志序

中政府成立迄今二十有四年矣。百度新造，皆有資于因革之迹。今邑侯曾公以家严所修之志于时为近于制，为詳政教，足資文献攸系。甫印一次，板即遭燬，流布未广，搜求不易，謀为改印，适「覃」承之。邑财务会使董其事，爰得本会同人暨县政府佐治各区区长、費茂斯役、财务委员万雨楼、王鑑、吾孙敬之、熊时雨、熊斯誠、邓清原、周貫日、彭守拙、涂德謙、梅金和、黃理卿、徐承周、李右襄、县政府秘書解韻笙、科长鍾策民、胡景周、区长周廷敘、胡猷珍、胡恆罗、乐三、吳伯祥、駱光祖均任籌費之責。职员彭育和、胡超雷、養素魏硯香分任雙校書。凡一千部，用币銀六千圓。閱三月而工竣。非侯之勤思吏治与群力之克任其責不及此「仆」承侯命从諸君之后，藉昭繼述之績，幸何如也。若新志之不克創侯言之矣。茲書其在事之艰者以告于后南昌财务委员会委員長魏覃仲融謹序。

南昌縣志序

賜同進士出身誥授中宪大夫刑部浙江司政法部有郵司主事加四級魏元曠

邑宜有志久矣自汉建治沿及晉唐千余年間政治文物已著于江表宋明而后乃繁焉无所不备清有天下复百余年乾隆初錢塘顧公環園令斯邑始為志何其書之宜為而迟之乃至于斯也方明清盛時邑之名卿大儒鴻文博学之士暨賢牧令能其事者先后相望夫今之志古之小史也因革損益之規民風物产利弊興敗之考胥于是乎在豈皆忽焉而不措意蓋牧令之有志于是者或以迂轉之故而不克遂士大夫或服官从政而不暇其暇而胜箸作者或不适遭其時抑亦皆重難其事而不敢輕以之自任是以其書迟之且迟之至久而始有于顧公也是后乾隆五十七年徐公斗垣修之道光四年阿公鏡潭修之越二十五年庆公書五修之同治九年陈公簡齋修之豈非以其事之不可忽幸其述之易而為之不可不勤邪历光緒甲辰复三十有六年而桐城江公云卿舉其役以屬予時予官司寇方北行且重難其事而不敢輕以之自任辭焉丙午二月公遇害丁未予以怵家居无以解于邑君子之責遂亦未敢固以不敏謝初顧公之纂斯志也所聘如瑞金楊寬庭鉛山蔣心余峽江洪声数先生皆海內名宿邑之龔孺生楊子載輩亦皆鴻博才人之选其書謹严尔雅厥后屢修輒互变其例以規初志援訂瞻博而典則遜之然顧書屬意于文未尽求周官小史之义体例屢变卒附丽未安予更釐其畧目易其編次昔太史公自敘有曰予所謂整齊其世傳蓋亦合諸志整齊之而已明年属有迂濫之行又明年居京師咸以其書自隨于時新政繁兴數令建設日月異制書亦數更而不能定迨宣統三年十二月明詔遜位國內称共和然后是書之制可得而裁也郡县之朝三統之紀始汉渡江之年終清遜位之日越前志之成別后来之創虽曰官家掌故亦可為一家之言古人于江西一道每不別分郡邑概曰豫章顧書多援入志虽病于失考然晉唐時事多在州府傳聞異辭率因其旧初予蒞鄒村常竊春唐夢庚金生两孝廉于江公鄒已七十听夕无間閱兩載采輯略备予因所录賁前諸志之駭洽以其書自隨者且六年而始成鄒唐及在事諸君已多物故欧阳永叔云遭時之士常視文章為末事而又有不暇与不能者焉信矣夫稱志者必首言武功曰高簡尚已备用則失也未敢以為法書視顧志已約十卷凡六十卷

建方物士必本乾樞分至土圭寒暑是依立變順違貞悔之几述緯候志第一

版宇分合并里糾錯固險阻書蕃食貨山符澤节族毋側頗述方域志第二
彭蠡东江贛肝中流灾沈怀襄病涉網繆鄒白千金利賴之尤述河渠志第三
司空度地都邑是程律軌鏡度規制用宏表宅型方昭民阜咸述建置志第四
王政之首耕者九禹一詳則壤周言勿亟揚州之域于以維則述賦役志第五
友教于南人习鄒魯四姓偕敍文物攸著卓彼罗原濂洛踵武述學校志第六
主宰万物实維神明禮享報賽格于民誠八政所崇聽听和平述典祀志第七
政刑所出循良繫賴弼之以教莠稂弗害錫姓祚土亦匡不逮述官師志第八
公府朝廷惟賢共理有道弁汉百世兴起作寔乞言人文之紀述選舉志第九
百里之寄亦有民社郎官应宿期門趣馬褒賢任子章紱之亞述仕籍志第十
史具列傳必悉里居雷誥熊罗实属厥初隴西太原孰无聞諸述氏族志第十一
耆旧群輔独行高躅畸士異人蟠逸瞻矚豫章之書不尽所录述人物志第十二
刘向忱汉特傳内則风化所被人怀貞烈柏舟行露有齐靡匿述列女志第十三
大雅未遙著作渾灝完章彝典恢崇至道玄空賡釋藻綺江鮑述艺文志第十四
汉嬰略定代有割甯孺毒女真金王尤慘虽非四塞靡宁喪乱述兵革志第十五
讖緯五行实傳洪范四体著龟禍福先見蛇斗星隕用告灾变述祥異志第十六
民性所毗因习成俗水陆歧产燥溼殊育匪伊录異以广耳目述风土志第十七
前賢胜概日月斯永蕪城螢苑亦傳賦詠东林說远荒陵記董述古蹟志第十八
詭忽难穷恆理或滯說苑叢書別居部次張公博物东方多識述杂傳志第十九

南昌縣志六修彙刻序

晉禹敷土既則壤成賦復詳及山川土物又以九牧貢金鑑鼎以象其物是故禹貢一書蓋志之始而九鼎則圖之類也周興建官分職邦國之志小史掌之天下之圖取方司之而后燦然大備蓋志也者政化之原而文物之所繫也邇之一鄉一邑遠之訖乎九州不有記載則欲考疆域徵物產發潛聞幽明得失興衰之故將安賴哉孔子言夏殷之禮而有杞宋不足徵之歎然則彰往而來志之作烏可緩乎南昌古隸揚州建省后為江西首邑賢才文學行誼之士由漢至于明清彬彬稱盛前志修于同治九年主之者陳簡齋明府而汪少谷明府踵成之距今五十年矣先是光緒甲辰桐城江明府云卿謀續修而以纂輯之任屬邑掾神魏斯逸先生會辛亥遜國改稱共和陵谷山川感滄桑之異政敦禮俗有今昔之殊斯逸先生雖已裁成是書而藏稿于家邑諸君子俱夫時移境易文紀軼亡請得而出之加以披采依例增補用付手民〔浩〕適宰是邑樂觀厥成因以一言弁其端若夫紀載之賅各體例之整齊與夫勸戒予奪之謹嚴閱者自得之固無俟〔浩〕之言之也

民國八年七月南昌知事汪浩撰

六修銜名

主修 贈太仆寺卿前南昌縣知縣

主刊

南昌縣知事

贊修

二品銜署鹽運使山東濟南道

花翎郎中分省試用道

教習分發廣東補用知縣

纂修

法部主事調署京師高等審判廳推事

協修

國子監學正

金谿縣教諭

分校

揀選知縣

候選訓導

保送取用吏部主事奏留內閣敍官局

縣學增生

揀選知縣

兩浙補用鹽大使

揀選湖南補用知縣

候選訓導

縣學附生

江召棠〔云卿桐城人〕

汪 浩〔俊卿旌德人舉人〕

梅启熙〔少巖定山人翰林〕

梅台源〔子肇定山人附生〕

程維清〔達舫郡城人舉人〕

魏元曠〔斯逸魯溪人進士〕

鄒樹常〔藹春棠谿人舉人〕

唐夢庚〔金生霞山人舉人〕

段 笏〔鈍齋西洛人舉人〕

胡士元〔冕南郊坊人歲貢〕

龔延渤〔丹孫高田人拔貢〕

周德華〔潤齋荷湖人〕

郭承平〔筱琴莘洲人舉人〕

胡加璧〔衡如高田人舉人〕

段昌炎〔亮侯西洛人舉人〕

彭慰先〔肯堂水南人附貢〕

熊育〔純如月池人〕

湖南補用直隸州州判

附貢

大挑二等署宜春教諭

廣東補用縣丞

揀選湖南補用知縣

舉人

兩浙補用鹽大使

花翎四品銜法部會計司主事

附貢

縣學附生

饒州府學訓導

縣學附生

召取孝廉方正湖南補用直隸州州判

五品頂戴布理問銜候選巡檢

縣學附生

萬安世〔藕軒石岐人副貢〕

萬以坤〔訛溪厚田人〕

吳震元〔敬畬郡城人舉人〕

秦輝〔吉人巷口玲人優貢〕

胡炳烜〔小彭塘頭山人舉人〕

程謙〔任芝郡城人〕

吳忠源〔誨傳吳石人舉人〕

鄒安孟〔穀丞業緒人〕

徐應奎〔聚五北瀝人〕

晏宗復〔鹿萃沙港人〕

李循球〔信侯葛溪人附貢〕

胡廷鑾〔儼奎鄧坊人〕

燕詒〔苞孫竹山人廩生〕

蕭名捏〔褒然郡城人監生〕

魏繼晉〔變初橋頭人〕

南昌县志目录

卷一	緯候志	星野	晷度
卷二	方城志上	沿革	疆域
卷三	方城志中	坊社	乡都
卷四	方城志下	山岡	市鎮
卷五	河渠志上	河湖	陂塘
卷六	河渠志中	圩隄	
卷七	河渠志下	津渡	桥梁
卷八	建置志上	城池	街巷
卷九	建置志下	衙署	公所
卷十	賦役志上	戶口	稅糧
卷十一	賦役志下	徵发	
卷十二			
南昌县志	目錄		
		倉儲	坊表
			塘汛
			驛鋪

學校志上

卷十三

學校志下

卷十四

典祀志上

卷十五

典祀志中

卷十六

典祀志下

卷十七

官師志

卷十八

宜師志〔表上〕

卷十九

宜師志〔表下〕

卷二十

選舉志一

卷二十一

選舉志二

卷二十二

選舉志三

卷二十三

選舉志四

卷二十四

選舉志五

卷二十五

仕籍志上

封爵

官制

名宦

荐辟

科第上

科第下

諸貢

制科

鄉飲

路議

卷二十六

仕籍志下

卷二十七

氏族志上

卷二十八

氏族志中

卷二十九

氏族志下

卷三十

人物志一

卷三十一

人物志二

卷三十二

人物志三

卷三十三

人物志四

卷三十四

人物志五

卷三十五

人物志六

卷三十六

人物志七

卷三十七

人物志八

卷三十八

人物志九

封贈

儒林

隱逸

文苑

人物志十

忠義

卷四十

人物志十一

孝友

卷四十一

人物志十二

善行

卷四十二

人物志十三

方伎

卷四十三

人物志十四

寓賢

卷四十四

人物志十五

仙釋

卷四十五

列女志一

卷四十六

列女志二

卷四十七

列女志三

卷四十八

列女志四

卷四十九

列女志五

卷五十

列女志六

卷五十一

列女志七

卷五十二

列女志八

卷五十三

藝文志

卷五十四

兵革志

卷五十五

祥異志

卷五十六

風土志

卷五十七

古蹟志上

卷五十八

古蹟志中

卷五十九

古蹟志下

卷六十

雜傳志

南昌疆域水道圖


廣袤界至見方域志

圖內東鄉西鄉系嵩安旧分鄉名南鄉北鄉系詔賢旧分鄉名以圖幅隘迫各省二字
北上下圖式定体因地形水勢皆北趨仍摹用旧志初圖南上北下以便省覽

南昌縣志

目錄

西



東

南昌縣志

緯候志

星野

古者欽若昊天在璿璣玉衡以齊七政所以治历授時也周礼保章氏职曰以星土辨九州之地所封域皆有分星以观妖祥其见諸春秋傳者若參为晉星商主大火岁淫元枴星主大辰国語曰岁之所在則我有周之分野之属是也傳言黃帝分星孔頴达曰周礼虽云皆有分星不知其分孰分之也分野之說訖无准衡然或有灾祥而为占者多得其效則不必强索其源考所傳之尤以定占焉可也史記天官書曰二十八舍主十二州斗秉兼之所从来久矣周礼鄭氏注曰今其占可言者十二次之分也星紀吳越也元枴齐也熒臂卫也降婁魯也大梁赵也实沈晋也鶉首秦也鶉尾楚也寿星郑也大火宋也析木燕也張井广雅曰布度定紀分州繫象維属魁翼属樞亢青属机徐揚属权荆属衡梁属开阳豫属瑤光苏伯衡曰天市下垣列国星宿之所在其星东西二十有二宋南海燕东海徐吳越齐中山赵九河魏韓楚梁巴蜀秦郑河中间閭周宋史天文志曰十二国十六星在牛女南近九次各分土居列国之象九坎之东一星曰齐齐北二星曰赵赵北一星曰郑郑北一星曰越越东二星曰周周东南北列二星曰秦秦南二星曰代代西一星曰晋晋北一星曰韓韓北一星曰魏魏西一星曰楚楚南一星曰燕有变动各以其国占之外若熒惑台星日辰支位区向配分星野之辨不越乎是秦制天下为郡县汉置刺史都督县十八以南昌为治所属禹貢揚州之域居大江之南濱彭蠡湖于秦为九江郡春秋时为楚东境其后属吳越天吳地屬越前以列國分野則古楚吳越古志天文并同

越絕書曰楚故治郢今南郡南陽汝南淮陽九江廬江豫章長沙翼軫也故南昌三分翼軫

史記天官書曰吳楚之彊占于鳥衡鳥南宮朱鳥柳星也衡太微三光之庭則南昌占南宮柳太微衡

又曰丙丁江淮海岱也南昌属江占丙丁

漢書天文志曰戌吳越則南昌日辰占戌

其地理志曰吳地斗分野今之會稽九江丹陽豫章廬江廣陵六安臨淮郡盡吳分也史記天官書亦曰斗江湖明一統志曰南昌饒州廣信

撫州臨江吉安瑞州袁州贛州南安天文分野則南昌占斗

晉書天文志曰九江入斗一度庠江入斗六度豫章入斗十度劉青田分野細數九江入斗二十度入斗一度者乃江寧揚州二府則南昌占

斗十度

蔡邕月令章句曰自斗六度至須女二度謂之星紀之次大雪冬至居越之分野晉書天文志曰自南斗十二度至須女七度為星紀于辰在丑吳越之分野新唐書天文志曰斗牽牛星紀也則南昌子辰屬丑其占次以星紀